

四庫全書

集部

欽定四庫全書

集部

御製詩二集卷四十五

詳校官尚書_臣德保

助教_臣常循覆勘

總校官原任中允_臣王燕緒

校對官學正_臣卜維吉

謄錄監生_臣汪存楨

欽定四庫全書

御製詩二集卷四十五

古今體一百首

甲戌二

甲戌元旦

泰階圜照麗青陽
綺勝椒盤總發祥
歲肇三元欣首祚
閏逢旬九恰初章
共球小大來侯甸
衣食根源廩雨暘
五福斂時敬敷錫
春臺臺海祝豐穰

新正試筆

首歲開新甲三陽轉始寅部章幹元籥星紀肇昌辰禮
樂迎黃道衣冠會紫宸勅幾勵恭已熙績在勤民瑞旭
纔昇曉祥風欲報春秩宗襄乃職祈穀逮初辛

新正二日降旨加賑去歲淮徐被水州縣詩以紀
事

木德初享甲民艱切體乾念彼淮徐間災餘實可憐宣
房亟就功黃流始歸川次第事疏築期多涸如田春耕
縱不誤冬寒信其然棣通陽德昭萬物欣陶甄一方鴻

雁集寧忍忽視旃椒屏綈几張南望心為懸加賑頒新
綸愷澤因時宣詎啻行故事還殷祈有年

循環曲

小往大來吉大往小來殃心安身勞逸身安心勞傷少
聞多言吝多聞少言良衆非一是短一非衆是長財聚
民散悔民聚財散慶

五君子歌疊舊作韻題鄒一桂畫

曰草曰木雖無情一葉一枝各具性寓意不留皆合宜

玩物忘返斯為病玉磬主人創此格想見當時拈筆興
竹風流自蘓門阮松瀟灑即谷口鄭凌波水仙鯉騎高
踏雪寒梅詩僵孟古柏擎空獨矯矯又如玉局持身正
勅倣恒因寓渴賢

向曾命張若
霽亦倣此圖

藝箴亦可通為政

偶興

觀書偶興懷晏子使乎楚進橘併食之王或謂其魯晏
子前致辭聞之賜人主爪桃乃不削橘柚乃不剖叶誠
有如是義當於食前舉謫智益見卑文過曾何補

每接江南督撫奏報水退田涸不誤春耕既用慰

念兼恐飾聞

江北淮南刻繫心秋災展轉到冬深始聞燒草宣房築
旋盼栽秧澤國臨米價街頭踊免貴田功町畔耦堪尋
此音聽已私增慰還慮寧無飾匪謔

張宗蒼萬峯層雪

陶鎔謝氏賦中句損益曹家畫裏皴

石渠寶笈藏
曹知白雪景

猶憶

臺懷白雲寺排窗一例玉嶙峋

題定武蘭亭帖後

虎卧龍跳正復奇流觴曲水想其時無邊感慨一篇具有數文章千古知

檢校纔聞褚遂良旋教玉匣伴文皇戎溫無賴千秋恨豈礙經天日月光

松雪書宗不可當十三跋出十三行恰如身到瀛壺裡澗草巖花總異香

其相髀

石中金星如青金龍尾皆有之而玉則未之前聞
偶因製器得茲蘊金易稱乾為金為玉斯乃天然
其相合德者耶輒以為韞而系以詩

誰知出璞已中更揀沙藏未見山經紀難窮物產良圓
如湛秋宇點似綴星芒觀德資鉤控天然金玉相

新春養心殿

蒼龍轉玉斗紫禁闔青陽金虬萼葉舒綺殿梅英芳奉
時欽體仁祈歲顓屢祥開年百務簡惕夕一心強好惡

戒已私詩書挹古香疇咨竚有翼勅命勵無疆

錢選桐陰撫琴圖

動操四山皆響然傳神真擅雪川錢一時把卷銷春燭

認取和平是大絃

偶倣趙氏合璧卷各題以句

枯槎密篠離披間以詭石參差不擬刻楮求似頗兼作
篆行之春意昌昌有脚化工蕩蕩無私水晶宮道人曰
昔者吾亦如斯

右趙孟頫枯樹竹石

吐雲春靄靄
寫月夜娟娟
最是相宜處
一家眷屬連

右管道昇竹石

不難石白與筠青
仲穆神襟未易形
恰比鷗波坡渚側
幽蘭雅合是同馨

右趙雍筠石幽蘭

題張宗蒼雪景

奇峰詭石玉雕鏤
飛閣還憑素練流
點綴天然成迥句

不須燭照費冥搜

新春重華宮侍

皇太后宴

西望瑤池近羣迎

王母臨歡同萬方養春始九重深屏綴延年篆笙調太

簇音六鰲蘭作馥百寶霧成陰入畫元朝慶

每寫歲朝圖稱慶

徵詩古字吟瑞雲飄喜氣

天意即人心

是日徵雪

玉如意

竹化分真幻銅函閱古今清談常在手樂志每如心擊
處珊瑚碎掛來蘿薜深握君曾得號禪德亦留吟貞素
標瓊質指揮延藻襟休徵願時若詎為寶球琳

新春瀛臺即事

開正行樂合瀛蓬漢樹唐花試冶融韶景幾分春勝裏
朱樓一朵翠雲中昨來歲序殊新舊賓始乾元協雨風
過眼寸陰求日益關心萬姓祝年豐

視事既畢自南臺御冰舵凌太液遂至瓊華島登
臨瞻眺雜詠誌賞

封事凌晨畢閱披公卿次第接疇咨稭春悅可尋吟眺
漫聽新歌坐玩時

淑清泉水淑而清竹鼎瓷壺事茗烹篩牖嫩陽攬韶秀
徘徊真覺稱其名

冰凝太液鏡光皚輓輓舵床坐渡來聲襍排門鳴爆竹
權輿帝里是春臺

細霏昨日玉攢團積素崑峰直北看怪底重裘猶覺怯
椒園鐘梵落高寒

承光高殿鬱參差玉甕澆春想昔時只有檜松仍好在
東風旭影上呆愚

春陰瓊島正堪憑淑景層楣瑞靄凝仙木綺錢增吉兆
五風十雨願休徵

閱古樓

三希堂法帖石刻既成作延樓於瓊華島之西麓

嵌石壁間用期貞固因名曰閱古而繫以詩

寶笈三希萃法珍好公天下壽貞珉樓飛四面開屏障
神聚千秋作主賓不雜羸劉誇博廣略存魏晉要精真
游絲燈影參元契大塊文章沉澗津

畝鑑室

有序

閱古樓之北樸室三楹周以步欄後臨方塘引古
井之水源源不竭視日下春明所載自金水河轉
機運轉至山巔者事半功倍矣

方塘開一畝樸室得三楮古井新成記春明昔費辭松
頭浴月影藻面漾風漪幽致今朝別當前冰鑑宜

蘇軾偃松圖向曾命張照題詠幾暇展開因用其
韻

神以行之氣以載與真松不毫釐改玉局邈矣如晤談
况緇几曾供奉在一刹那頃俱胝知喜其書亦味其詩
春音大地盡莞倪徐視謾謾圖間吹

養正四詠

書無逸於勤政殿屏風時自警也更效長康法為
養正四圖於下六十條內足師法者多以限於屏
數且擇其最精云

寢門視膳

寢門度問視日三念在茲食察寒煖節體詢安否宜大
舜慕五十孟氏稱孩提西伯仁人哉由來因此推立愛
千秋法錫類百王基

丹書受戒

歸放馬牛已勤思天保定齋三受丹書端冕東面聽軒
頊道無竒曰敬勝義勝怵惕銘席端如臨師保命君鑑
詎殊途外王本內聖

弓矢喻政

弓矢少所習自謂能盡妙叶得弓漫稱良弓工曰非好
於弓猶失之況於理之藐更宿命京官政教勤探討絜
矩勵實行文皇信有道

樂受格言

洛中有逸士徵聘來殿庭鬚鬢已皤然何異角里生兩
言實得要敬佩服書諸屏迂儒陳禮樂方士談蓬瀛淺言
至理賅不愧學行名

題項聖謨摹韓滉五牛圖再疊前韻

采采相忘水石閒黃鐘韻滿脰鳴間青桐居士今知勝

虎賁中郎枉慕艱

故大學士蔣廷錫有摹項聖謨五牛
卷以未得見韓滉真蹟自題跋語中

深致企慕今三卷先

後俱入石渠寶笈矣

兼得王羊不脛閒

韓滉卷已
先入大內

千年一瞬靜披間居然十

五牛來牧恒亦因知穡事艱

詣齋宮

肇祀勤民衣食源儀鎧郅偁引金軒齋宮預日來虔宿
早見青雲擁

帝垣

詣

壇視

位肅常儀玉祀三成圓中規退即莊居還靜憩寸陰窗

影有餘思

祈穀禮成述事

玉梯廿七攝齊升奠璧拳拳若弗勝大禮躬行今十九
洪禧永錫冀雲仍鳴球聲引羽干舞燎火明通翡翠燈
三白雖霑竚

優貺退瞻遙岫起雲縉

新正十一日奉

皇太后幸圓明園之作

金根肅駕撰良辰上苑行時先去早春

是月十三日立春

萬歲千秋申慶夢龍花燕樹奉

歡巡元冰鏡浦凝堅璧素雪鱗塍積薄銀盈尺亟祈霏
六出邇來問夜又教頻

曲宴外藩

例事懷柔不可刪朝家外戶屬瀛寰有來嘉客或姻黨
用洽歡情值燕閒舞就魚龍春艷發酒行杯竿露灩頰
渠搜又有新歸朔錫宴均教預末班

時準噶爾台吉策
凌等舉部內屬以

未出痘先遣其宰桑和
統等入覲亦命預宴

甲戌立春日春帖子

舒壘陽交泰羣雍物喜春
載咨京兆尹敬事出耕人
瑞旭騰樓紫祥光煥勝青
上林春似海作壽祝

慈寧

律分昨夜與今朝迎面風
來果是條底識春園絕勝
處
冰花火樹湊初韶

錢選三疏圖用舊臣高士奇題韻

留下尋那見草堂三疏展尚欲生香熾然一切有為法

了識何曾者箇忘

士奇別業在西湖之陽地名留下今已鞠為蔬圃矣

離披畦畔復籬根淡味端知勝碩豚偶憶湖西親所見
綠含烟甲濕黃昏

玉堂侍從暫家居博古餘閒學圃蔬此意足驚俗耳目

不堪兼致絕交書

士奇詩題於家居養母時跋中有日食一菜自甘不足為外人道語又趙

孟頫絕交書真蹟亦其南歸時所攜有舟次題跋今俱入大內

元宵前夕

玉輪將滿玉霄清燈事先看燈夕迎百道魚龍朝絳闕
雙騫鸞鳳下銀瀛苑中自足烟花景牆外還聽鼓吹聲
也識還淳在敦儉同民樂可驗民情

元夕燈詞

魚鱗傍晚淨天邊麝魄騰輝入夕妍放光明裏最明夜
十三度中初度圓

年年嘉夜奉

慈歡御苑春宵了不寒寶閣便成無量壽琉璃界道瑞

蓮端

一綫烟光百道隨
踏歌聲裏影燈奇
排當總要呈新巧
長此安窮語可思

幸際熙春宜共樂
也思敦俗務無為
奉時中有權衡理
一節猶難念在茲

燈舞旋成蒼頡字
炬輝真演法王輪
如來住本光明藏
那識人間今古春

金鳧銀鴈時飛集
綺閣珠樓乍有無
花裁去聲吳綾綴千

樹女夷神術問能乎

九華雙炬照長樓樓上仙人來往遊
今歲看燈有新使
孜孜益凜固金甌

人人都喜此宵晴月放光華燈放明
我獨心殷盈尺雪
東郊將逮舉新耕

上元後一日小宴廷臣疊去歲韻

乘時行慶喜如前列座欣開翰墨筵
歌舞要因逢泰世
賡颺同願遇豐年
摘毫得句都成錦
按例張燈不費錢

侯鯖集錢氏納土進金錢買夕色樓西遲月上分明舊
放兩夜燈今十七十八夜也

歲景韶妍

碧琳宮闕蕊珠林花放恒春萬朵簪燈繼上元燃不夜
雲憐韶節皺輕陰漫言育物同民樂那解長年望歲心
咨爾百司各勤事青郊于耜修將臨

冰燈聯句

有序

星橋火樹三五初過閨苑鰲山大千同照喜華簪
之畢集開綺宴以聯吟片片鮫冰吐清輝而交壁

月行行龍燭騰寶爛而燦珠杓用製新題聿徵前
例詩賡五字巡協九成

御製巧匠注冬水新樣呈春燈耀含乾離象

潛移丁癸精藏陸傳所紀納凌詩可憑搏同蚌胎

潤臣傳鏤比蟬翼輕暗激金瑣碎晴搖碧瓏玲既

濟體互變臣來保

御製重明德交瑩陽爛舒煒蕤陰火燿晶瑩移置龍門境

懸將鳳閣楹朗晃照綺席高下流繁星無妨鶴鰓

暖臣史或放蘭烟騰傳來柑借艷撒去荔同賴酒

盞琥珀凍

臣陳世倌

製御辛盤水晶盛鸞鳳離奇出寒暄妙合凝製奪丁緩詭

光眴離婁晴碾月旋逾薄迎風閃偏清候經大小

雪

臣阿克敦

用倣短長藥自具剛健質獨抱澹素情就

范捐雕琢

臣蔣溥

製御葆光泯虧成霏雪若葱嶺蒸霞擬赤城朝炫龍銜樹

宵張蟲綴瓊林韜尖官傘花獻楚國萍蛟宮俯幽

迥

臣汪由敦

貝闕瞻塘撐潭秋淨一鑑塔夜洞九層捧

珠鮫綃覆

臣裴曰修

御製

為樓蜃氣橫撥蕊輝錦朵架閣憑玉峻義城非海外

方壺出郊坰娥池接遙米車桺慙孤青不夜百枝

萃

臣劉綸

長春九華擎明明遊佛國的的環瑤京球

琳爛陳序

臣介福

御製

茁苕儼在瓶準儉酌奢得南油西漆并張象名言繹

陳烈正義繩虛涵剪水靜綺簇飛雲增暈隨眼波

顯

臣嵩壽

條並頭銜稱列侵癡蛾避融怯老狐聽鷺

管插檐溜

臣觀保

御製

魚鱗垂瓦稜光明通體徹色相因心澄真入琉璃界

恍展雲母屏颺彩翥赤翅迴芒梳素翎金豆篩密

影

臣彭啟豐

玉釵叩清聲晞陽指寧炙耐冷裹詎懲畫

開扇上蝶

臣董邦達

御製

書映囊中螢能幻濕為燥還因晦作明皚皚夜珠映

煜煜銀盆升柱詠劉處士鋌鎔耿先生紅綻葩並

出臣錢維城白瀉永欲傾兒童掌欣拍僮父目共瞠燭

調豐歲兆

臣金德瑛

御製杓轉陽德亨可知即是火非無不治冰觸緒靜悟契
應節輿歡徵

連朝

連朝雲重宇傍午霰霏春作勢纔輕點徐停復暗淪再
堅寒浦凍未改遠山皴佇覽攢團意優霑冀厚仁

雪

正月十九日

瀟瀟密灑復濃霏新歲纔知喜氣歸
天與園亭增麗景
節留燈火作寒輝
纈林乍欲舒萋萋
積歎遙疑隱翠微
五日春廻霑六出及時符甲澤青畿

燕九日觀燈詞

玉蕊火蛾紛纈眼
晨晞宵問略紆懷
漫言三五堂堂過
燈夕今來第一佳

百道虹光駕漢飛
天花更散玉霏霏
絕勝旬九今年好
滕六翩來宴處機

絳闕龍銜碧海珠
瓊葩銀樹鬱蔥扶
夜深蟾魄依然上
還道清妍得未孤

燈燃雪裏光偏朗
雪舞燈前態越飄
青女素娥真解事
勾留婪尾艷春宵

馬和之四皓圖

肥遯商顏物外遊
出山畫筴自留侯
司勳卓識空千古

不擬安劉擬滅劉

卷中題者數十人率元明間名蹟其論四皓類以避秦安漢為言識力無

能出杜牧右因題是詩為之拈出嘗謂詠古者宜具卓識若杜牧者似之然盈之不廢自是高帝意所素定無

藉四老翁調護力也不然當楚漢相持時於太公尚請
分一杯羹果令牽于溺愛其廢盈而立如意何所顧惜
豈留侯諫叔孫太傅以死爭舉不能得而獨驚此四老
人謂羽翼已成有是理耶蓋高后同起草昧盈其長子
且無失德高帝之不廢盈於義自正右祖之禍非所逆
料楚歌楚舞宮闈秘事安從而傳之遷史多喜奇術其
紀留侯事尤多怪然則此四人者得非圯上老人赤松
黃石者流耶詩題于石渠寶笈成書後俟入續函舊題
稱二揚今惟老鐵一篇楊載五言未知何時割去惜無從覓真蹟補完耳

題馬和之袁安卧雪圖

雪卧不知寒袁安貧果安筆耕千兔秃皮相五羊單處
塞完名易逢亨踐行難和之繪高節詎止供吟看

蓬島瑤臺雪中即景

瑞景離奇寶鏡開
鏡中樓閣是瑤臺
三壺玉積長青柏
萬樹花裝不馥梅
徐福漫驅千戶去
子登常按八琅來
組芽芋甲知何許
驗取心田出道芽

賦得西山積雪

東皇為玉戲
粉繪展遙屏
汗漫凝寒靄
威紆接窈冥
縹緲
皴連漢白峰
隱挿霄青愛
凭當西牖
無殊據勝亭

香山最高

處建標曰西山積雪為亭對之

古香曹氏軸
逸韻謝家庭
別有忻懷處

甘膏遍麥町

詠文木

有序

安西磧海中桐樹成林枯皮剥落埋流沙經數千
歲取以為器或作屏風有天然谿壑之形視中山
所賦有斧鑿痕矣

萬里流沙遠千年老樹沉嶧陽同貢篚爨下異成琴宬
理埋塵蝕麤皮積雪侵自然呈物象久矣謝春心擁腫
非無用葱菁憶布陰子山今不作誰與暢元音

曉春萬壽山即景八首

試燈纔罷曉春臨
咫尺湖山一暢心
拂面峭寒生積雪
西山又喜作輕陰

松峰翠湧玉嶙峋
今歲行春樂是真
潤浹土膏逮舒壘
良農暢好事畊畝

觸觀入畫濃纖別
到處吟詩筆研隨
也識人將嗤率易
自惟結習未能離

長虹亘渚接雲涯
不斷靈源泛細澌
一棹玉泉原可到

今朝姑置待他時

峰縈水抱樹周羅
玉積西山近幾多
若向詩中論品格
清新開府合同科

石舫天然凍浦邊
片帆不掛纜常懸
春風鳬鴈千層浪
秋月菰蒲萬頃烟

倚巖構築得層樓
面勢昆明萬景收
我意獨欣雲外賞
人來羣擬畫中遊

寄暢名園愛惠山
亭臺位置異同間
屋臨流水吟澄照

雅似九龍片刻閒

山陰

山陰雪未消結攬曉春朝月斧修輪瘦天花綴樹嬌水
亭依渚腹松塢出巒腰蒸旭輕嵐吐吹颺積素飄乍如
張北苑可以傲餘姚訪戴乘豪興高風詎覺遙

清可軒

倚巖詰曲構閒房生色瑤屏滿屋張竹秀石竒參道妙
水流雲在示真常天花不礙一牀落仙草真成四季芳

今日行春絕勝處銀滕晷牖兆農祥

澹寧堂

澹泊水之德寧靜山之體山重水複處書堂適稱此喻
義因名堂嘉言徵蜀史大用不窮人由表知其裏

題惠山園八景

有序

江南諸名墅惟惠山秦園最古我

皇祖賜題曰寄暢辛未春南巡喜其幽致攜圖以歸肖
其意於萬壽山之東麓名曰惠山園一亭一徑足

諧竒趣得景凡八各繫以詩

載時堂

橋東為堂爽塏奧密兼有其勝風漪瀾穀泛影簷
際

背山得勝地面水梅閒堂階俯蘭苔秀簷翻綺穀光對
時欣職殖撫序勅幾康玩惕曾何謂分陰惜不遑

墨妙軒

曲徑遙東疏軒面勢僻間石刻翠墨留香有望古

遙集之槩

兩辟貞珉勒千秋寶矩垂古香曾不竭心正實堪師春
鳥芝文印風漪筆陣披逢源契神解豈必定於斯

就雲樓

抗嶺岑樓每當朝暮晦明水面山腰雲氣蓬勃頃

刻百變

因迥為高易對山得閣幽有窗納蒼蔚無地幻沉浮竹
素今号古蘿軒春復秋宜居忘世者繫我足先憂

澹碧齋

樓南閒館俯瞰遠碧流憩之餘神心俱澹

齋俯綠瑠璣澄觀會筦倪藻淵潛赤鯉錦浪泛文鷺淡
月銀蟾鏡輕烟絲柳隄忘懷此小坐還似對梁溪

水樂亭

繞池為園亭在岼南洞庭廣樂恍然遇之

石泉真可聽絲竹不須多聲是八音會徵為六合和非
關肖西浙乍似遇東坡羣鶴神仙侶還來按舞僇

知魚橋

水樂亭之東長橋卧波與秋水濠梁同趣

屨步石橋上輕條出水遊濠梁真識樂竿綫不須投子
我嗤多辯烟波匪外求琳池春雨足菁藻任潛浮

尋詩逕

過就雲樓而東苔徑繚曲護以石欄點筆題詩幽
尋無盡

巖壑有奇趣烟雲無盡藏石欄遮曲徑春水漾方塘新

會忽於此幽尋每異常自然成迥句底用錦為囊

涵光洞

徑側多奇石為厰為竇深入綫天層折而出彷彿

靈鷲飛來

窈窕神仙府嶽竒靈鷲峰光涵千舍利青削萬芙蓉芝
徑繚而曲雲林秀以重只疑丹竈側佳美或相逢

初春遊玉泉山

及雪看山色尋春到水源華舟原可泛韶節最堪論池

館稱清寄詩書悅性存真幽供靜賞豈必在穠繁

泉氣常翕旬春雲復冶融雙松千載外萬景一窗中向
日莓苔綠入波樓閣紅移來南國候宿靄鎮濛濛

水複山重處畫情詩態邊數聲松穿嶺霧屨石度溪烟

竒遇忽於此春光已可憐冠峰亭上望千里玉為田

新景宛宜賞故山殊可過春泉呈鏡縠曉月漾眉娥蘭
芷輕梳沼瓊英尚綴科向題成隔歲隙影迅如何

棲霞室

雲深有精舍蒼蔚試披行暎日渾成綺賡歌漫擬卿幾
曾讓荷浦常自寫松楸適在山蹊下惟疑望赤城

漱瓊齋

臨泉寒荔幃迸水上苔磯淨響真宜耳寒光欲濕衣魚
恬心不躍鳥惜影忘飛王濟曾何謂於斯辨是非

真珠船

室舫俯弄真珠雲容水態堪娛欲詢困學所得較來此
義何殊

張宗蒼雪漁圖

津逮富春嶺規模七里灘
羊裘亦何藉浩氣不知寒

偶倣倪瓚喬林詭石并題以句

有樹槎枒有石嶙高低不約任天真
踈皴竭倣無多子却憶吳淞江畔人

異同

無逸周書語無為周易辭無為近有逸
無逸鄰有為有逸無為凶無逸有為私
二聖言豈背一心理奚持同異

異同間達者深長思

正月晦日作

年華荏苒迅居諸又報靈蓂盡落除積雪全消地增潤
條風微扇物含舒燈闌已識節無住閑後偏欣靜有餘
景麗幾閒適值此還淳返樸每廛予

御製詩二集卷四十五

欽定四庫全書

御製詩二集卷四十六

古今體一百十八首

甲戌二

易字

新書易舊新還舊凡幾更書始愜心習字故知如是可
求人毋乃背遲任

讀史

千秋紀載半真偽盡信寧無義至精枚卜自緣君意定

區區何繫杜鵑鳴

春日樂壽堂

境託智仁德堂開翰墨筵古香研道秘新藻發春妍砌
潤苔痕嫩冰消波影鮮行時際韶秀與物共欣然

再題惠山園二首

稍加位置力便足石泉佳秀木喬籠屋清流曲抱階風
松入操古春鳥和去聲音諧烟雨錫山景悠哉寄雅懷

逕入紫芙蓉石林重複重臨溪開月戶隔樹落雲峰聲

擬洞簫按形叅襄錦淙宣毫將側理到處有清供

自石舫進舟由玉河至靜明園溪路流覽即景成
短言五章

石舫前頭畫舫移湖心猶凍碧琉璃一般氣候叅涼燠
兩字禪機悟即離

一棹明湖倚艦輕經冬鳬雁任縱橫蘆叢亦可安棲啄
笑彼瀟湘邁遠征

卧波玉竦接長堤舟過前川逕向西伊軋機聲雜鳴櫓

分明江國景堪題

雪消宿潤浹溪田
溪畔人家低野烟
于耜相將力南畝
誰歟田畯為生憐

靜明山色望中新
及到原來箇裏人
大意略觀便言返
寧毋遲待羽林臣

玉泉山即景

烟霞表裏因心靜
天水空澄觸目新
啟迪詩懷涵萬象
陶鎔山色入三春
輕雲過午魚鱗疊
積雪晞陽螺黛皴

低町

去聲

高田連近遠所欣一例利耕昀

竹鑪山房

隔歲山房此一過試泉偶爾樂天和悅心得句恒於是
夏鼎商彝較則那樹鳥鳴春聲漸暢砌苔向日綠偏多
靈源不凍輕舟繫簷際漪光鏡裏波

分鑑曲

清灘遠渚綠而縈淥水隨方鑑影呈可識谷阮足天趣
那將離合繫人情月波激灑金為色風瀨琤琮石有聲

金一八
卷四十六
閒倚曲欄俯澄照水精闕裏息心旌

題楊凝式韭花帖真蹟

名翰留傳謝韭花軒軒舉欲擬飛霞馳情詎為盤餐計
乞米流風本一家

董邦達萬木森秋

凸者稜稜凹者窪經霜錦繡絢嶮岬最高更置孤亭迥
縱目因之意與遐

夔啓

黎綠呈瓊寶神魑寫異形五城難論價九德早揚馨庇
穀徵多稔葆光出太寧徒觀曼擊物喜起企虞廷

春日承光殿

祭屆春祈轉法宮崇基路便御橋東冰消太液呈溶漾
景入芳辰漸冶融石秀松蕤清賞外新題舊詠靜評中
明當遷坐遊觀戒咫尺軒墀得憩躬

是日遂遊瓊島趵臺諸勝即景雜詠八首

節前瓊島我曾登惜少銀花積翠峻此日行春御園返

雪消欣看暖霞蒸

假山溫樹續嵯峨仲月風光已鬯和冰戲迴看曾未久
漪瀾堂外激新波

心耽翰墨足淹留每到偏欣閱古樓通會重拈過庭語
神詮一論照千秋

蕉園迤邐命輕輿冰不勝牀舟礙諸未肯湖心事椎鑿
多人勞作每塵予

鬱蔥雲裏聳瀛臺麗日和風寶扇開何必龍鱗將翠羽

壺中木石總仙材

長隄東轉粉牆過院號淑清做軸邁若向溪山論本色
緊予意向此間多

茶舍三間背綠筠竹鑪雅合案頭陳松風蟹眼聊清課
喜是收來雪水新

稅枯和淖向妍韶遺蹟猶堪指勝朝太液池邊人字柳
春來還嫩舊時條

題張宗蒼吳山春曉

新紅嫩綠續韶妍融以烟霞靜且便竹裏軒樓心太古
源中阡陌意神仙錦蹊徐蹠探花騎練渚輕浮放鴨船
都是南巡曾歷覽流陰瞥眼忽三年

趙孟頫幽篁戴勝圖

降桑傳月令如簣詠風詩何事辭雙侶翩然借一枝劇
觀得神際遙想揆毫時磔裂陳廬地恒新墨妙垂

詠漢玉屏風疊舊作韻

弘璧夷玉兩序間三棘六異千年右諸侯良寶無過斯

詎若寶賢以為友孚尹比德時或珍如乾六爻無一偶
玉屏方廣遺炎靈撫之光澤不留手溫室秘賞閱三朝
寓意匪誇弗脛走東坡至人有至言世人安得如汝壽
星為含譽雲為卿我則成詩今復久爾時書題借詞臣

前詩作於丙寅命學士
張若靄書錫紫檀架上

自審臨池腕力醜彈指凡八異

春秋重吟聊命墨卿黜琬琰終合付鐫華咄哉瓌質滄
桑守章草鍾隸已瞠乎那能更進辨科斗聞之七日集
靈臺王母帶垂靈飛綬雙成子登侍東西觴酌麻姑所

進酒詼諧白髮乃小兒瞿瞿何來竊窺牖交梨火棗仙
得食斯以贈帝帝拜受什襲百代天府琛好惡何常惟
知誘勦人遺製在周官筆翰休論類楓柳

春仲

社稷壇

玉輦行西闕

松壇祭仲春質儀遵古昔農事重躬親雅樂依聲永太
羹不和醇拳拳何所願

綏我屢豐頻

御門日作

黃閣封章待綉音
明廷敬對詰晨臨
疇咨畫接寧惟是
典禮時修更欲尋
三九期餘常厯念
剛柔異克不容心
遑云撫莅茲年久
益覺憂勤與日深

讀淮南子

智過萬人謂之英
智過千人謂之俊
設於林林蠢蠢流
縱過億萬非哲濬
使遇其智相敵者
一人已難無過分

英俊惟名智亦殊刻舟求劍失銛刀譬之披圖閱超光
不求之馬終無駿

題錢選觀梅覓句圖即用其韻

梅有仙風鶴道姿一家眷屬得相隨孤山我亦曾過訪
流水行雲憶昔時

玉檠

林邑品猶重咸陽製太奢難書欣質樸習字伴年華長
短何須較球琳匪所誇義經如玩象大有兆維嘉

題張宗蒼山水

玉泉百道劃巖飛
春氣濛濛欲濕衣
高士行吟何所得
石橋獨自杖藜歸

仲春萬壽山雜詠六首

邇來春色夫如何
乍見山陽綠草多
都識流陰曾不住
返躬却復慮蹉跎

表裏湖山景不窮
楊絲漸欲受東風
六橋迤邐知何處
祇在輕烟淡靄中

如酒新波萬頃翻
鏡邊遙見鳳凰墩
何必湖心較西子
澄觀會處合忘言

種松擬種丈尋外
拱把成陰久待遲
為學固知戒躡等
求才亦復貴乘時

曲廊繞柱度潺湲
蹠步松風石瀨間
此是惠山真面目
輸他鐘磬六時閒

水複山重致益奇
流連每自戒逾時
無過大意觀忽遽
却笑何須爾許為

萬壽寺

路便訪雲林禪房靜復深
講筵下馴鴿春樹有鳴禽
席展今來座題看昨歲吟
偶嘗香積味益切已飢心

樂善園

溶溶新水初勝舟
碧川寒峭襲輕裘
壁社菱絲正相若
忽憶南巡成昔遊
沼園咫尺聊停憩
泉石閒饒濠濮意
輕茵已是春工夫
喬木全成詩景致
小徘徊旋命蘭輿
高閣度置方披書
箇中每覺玩不盡
佳處常留興有餘

過玉竦橋

明當啟蹕謁

橋山此日清宮夙駕還
迤邐竦橋過玉馬漣漪春水漾
銀灣廻翔鳬雁心含喜
新茁蘋蒲意總閒
韶景方欣徧
融冶輕雲又見羃
孱顏

錢維城寒齋對話圖

萬玉聲敲颯
沓風茅堂對坐地
爐紅高談不涉人間世
疏仡無懷商榷中

慈雲寺

精藍路左建多年一時炎官肆燠灼陸渾山火擬韓詩
護法天龍竟何若花甌辟立雲構摧瓦礫荒榛起寒雀
往來每為惜頽廢尋思此事應斟酌毋乃楞嚴語如是
生滅滅已寂滅樂

過潞河

亨衢警蹕仗逶迤晴日東風度潞河已覺當春渾可望
大都隔歲一為過暖融茵草生陽岍水先去聲桃花下凍

波

追遠省耕應春月行時詎為玩芳和

曉行

詰旦命蘭輿曦輪猶未上須臾煥扶桑銅鉦隔林晃春
氣每作霽郊原色曠曠設謂霽在日坐井觀乾象日天
三萬里世界同瞻仰貞明豈有晦拘墟見非廣澄氛屆
曾泉麗照清霄朗

白澗行宮晚坐

春旬縱睎寬春宵了不寒數椽聊可憇一晌未遑安風
月佳今夕詩書伴古歡短檠羣籟靜理趣愜澄觀

薊州道中

廿里楊街不覺遙淡烟融日近花朝應緣谷口春冰解
已有新波到野橋

郊原土潤不生塵雅似江南薊北春通閨節遲耕未舉
桑林醉社是閒人

溶溶春水下鳬鷺柳色輕黃染未齊分付田盤好相待

秀韶深處定留題

獨樂寺

時命重修落成路便臨憩

葺修尚識統和年
龍象重教煥法筵
詎有廢興紫白業
徒聞翰墨說青蓮
佛殿匾相傳為李白書
往來幾為飛吟興
布施非闕種福田
小憩便教清蹕去
我非樂獨祇憂先

題翠雲山房

雲外遙瞻翠嶺橫
到來翰席澹懷清
蝸亭倚巘攀松上
蜃牖臨川數上騎行
入座韶光發新藻
隔林山鳥試春聲

聲招提路左青蓮宇幾杵蒲鐘太古情

月

籟息一房閒月上諸山靜徘徊銀漢虛掩映松杉影烟
花勒春寒石泉印清景澹然如我心值此神明境

恭謁

東陵各成短句

兩世恩勤被

澤深

昭西卜兆識初心無垂簾蹟功開國不數周家有太任

右

昭西陵

世祖

聖祖皆受

文皇后

鞠育深恩

皇祖祇承

遺命因即

孝陵之

西為暫安奉殿

皇考登極後乃建

明樓寶城恭上陵名本

初志也

大定戎衣

世德昌勤民圖治日維皇

孝陵佳氣垂千禩兢業心殷勗覲揚

右
孝陵

皇祖多年孝養誠

母儀彤管播芳聲

元宮閔久山陵附來往霞標護赤城

右
孝東陵

緯武經文千載獨守成開創

一身肩攀

髯尚憶髫齡際電影流陰卅二年

右
景陵

奠謁儀成路轉西椒漿坐釀意含悽中年傷感紛多矣

兩歲春秋又迅兮

右
孝賢皇后陵前歲
安奉地宮茲二年矣

桃花寺行宮作

半山竺宇古招提高館閒房構近西詭石蒼松皆恰當

每來點筆為留題

桃花寺側花朝度却值山桃尚未開識得仙源真趣者
不孤春色是今來

石泉咽凍淙聲細山鳥知春試語奇月牖凌虛千嶂入
率教神解得於斯

曲折迴廊路轉通疏軒遙在翠雲叢開襟霄漢延清矚
奇趣還同宋考功

花朝

三分春節已平分
柳未舒條花未芬
了識九旬真電火
空傳萬事似浮雲
青旗錦勝都無藉
白水蒼山亦可欣
小憩琳宮參淨業
向來憂樂任其紛

靜寄山莊

松塢雲莊迥絕塵
無妨紆路駐鑾頻
嵐飛生翠常疑雨
峰有真姿不藉春
花未胎含因閨遲
去聲蕪纔芽紐向陽
新圖書靜好當清
暇汲古心知未逮
津

韻松軒

風樹皆作聲四時茲不改何處而乏松名山松所在佳
會不常遇是吾所以乃謾謾雖無心落落若有待山中
今亦古人間春似海

對瀑

擘窠扁石鐫垂紳聲色不動惟天真分明畫錦記內語
中心藏之如此人

千尺雪

倚巖架白屋開牖臨清泉春半雪已消垂流尺計千一

二二而一圓方方復圓寓物陳至理隨會會含神詮茗椀
不必試吾方意油然

得概軒

敞軒稱得概勝日欲賅春松色迎人翠峰容入戶新不
須花爛漫雅愛石精神與物欣芳節矧吾志體仁

暖

入山景物渾融和昌昌春緒來逶迤緋桃綠李縱遲待
峰色泉聲漸已多封中出雲輕似波其上遙空直皴黛螺

何當為雨潤新墉
叱牛應聽農人歌
盤之中盤之谷窈
窕而深繚而曲樂
以天下憂以獨春
風風人吾意屬

小石城

磊磊拳石無央數
攢簇累積堅城固
屹然壁立開闢來
世人安得知其故
荆凡得失紛經營
埤堦櫻守終誰成
烟霞乾闥此示幻
飛泉為塹松為旌
松籟泉聲相激越
楚南偶似非豪奴
子厚離憂何有哉
石城同一滄桑閱

婉孌草堂

有序

是處面臨石城背枕雪瀑烟霞蒼蔚之狀與泉石
相問答山莊最佳處盖不一二數屋中適張董其
昌婉孌草堂圖真蹟輒以名之

奇境每與秘時為幽人開我雖憂勞者亦有烟霞懷枕
漱寄遐託溪山期靜諧香光圖婉孌同然先得哉名相
天下公會者任取裁識此慕蘭心企彼希李材

其昌識
語有希

李營邱
之意

半天樓

肩輿徐陟衆峰巔
恰得橫樓號半天
不盡崇懷期太古
自然迥句會當前
松稱無改春偏態
竹不多情月亦娟
卉歆仙風吹萬慮
祇饒鐘韻隔雲傳

雲林石室

石出壺天寬
林開精舍迥
嵐靄朝暮變
松石今古永
依階有綠苔
問樹無紅杏
春遲故自可
聞之惜分景

柳

依韋煖氣發韶光
陌柳絲絲漸染黃
前日花朝方過了

便看物意為春忙

天成寺

雙峰闢天關一逕入雲路尋奇紛彼新據座原吾故澄
思會理趣即境摘藻句開窓寒料峭眺景春流露無為
憶向來恍可欣始遇

惜松歌

萬松寺以松得名去歲蠹蝕
松葉損非昔觀詩以惜之

兩年不到萬松寺曉春乘興今來偶盤龍踞虎縱好在
鬱翠流腴較昔醜僧云去歲即生蠹所以蒼株半枯朽

佛泯生滅付不知山無愛憎誰任咎咄哉成形壞亦隨
榮譽已當毀應受不然山靈厭客來示盡枯禪以寂守
木必先腐蟲生之疑增詎在碎玉斗植中壽客乃如斯
不如斯者今知否

盤谷寺

隔嶂便欣松逕却

萬松與盤谷只隔一嶺過嶺而松翠如昔蓋地氣使然云

得門還

禮佛留真一窗碧岫經年古四野油雲釀雨新目色耳
聲無盡藏退之李愿兩前人更瞻

聖藻輝巖穴石火流陰五十春

是寺錫康熙四十四年
皇祖賜寺僧詩

登雲罩定光塔作

平陵絕頂棲花宮詰曲雲逕盤巖松金輪月相此常住
似說法華垂真宗五體投地大樂說忽瞻寶塔湧出層
霄中十方如來乃恒河沙數彈指來聚一朵青芙蓉佛
云開塔事如是塔中如來為分半座同我時忽忘登臨
凡幾度惟聞梵網寶鐸錚錚落落鳴天風

上方寺

路便思清憩禪房倚石幽松端寒籟泛澗底嫩泉流雲
幻晴兮晦山常春復秋迴瞻定光塔真擬碧霄遊

山行即景

泉帶東西自高下山分向背變寒暄田盤四面皆方正

拱極都環紫蓋

峯尊名

但看松姿皆入續不須花發始吟春侍臣攜有清華侶

詩畫兼能為寫真

攜董邦達來令為田盤全圖兼欲修新誌也

奇峯不礙玲瓏影古寺真如委宛藏也覺吟懷無乃放

大都熟處未能忘

飛泉似掛古松梢
雪練寒濤自磕敲
釀作春雲剛滿谷
頓希為雨潤東郊

晴

雲容纔作勢
風力與之垂也
識東郊潤終
惟時雨懷昌
昌露春腳
謾謾響松釵
若論看山色
晴明自是佳

曉

遠墅聞雞鳴
澹蕩春山曉
西宇掛銀蟾
東巖吐朱鳥
益

然一谷暖山禽啁疎篠物華縱未酣韶意惟斯好契理
待萬幾運神籌四表

池上居漫作

宛在一泓春水新樂天先我得其津長篇妥貼都言盡
率易由來未易臻

莫道山中無綠舫臨池也有受宜居米家書畫相衡校
嵐靄烟波未此如

千相寺八韻

蒼巖路轉東初地翠雲叢既狹始開豁當前悟塞通逃
禪孰龍象訪道豈崆峒自是乘春興聊因識化工鍾靈
山有獨資始物惟同最愛苔皴綠未須花放紅遐思碩
人軸且憩梵王宮相好雖千億根源蔽色空

偃松歌

飛空忽見垂蒼龍其上無雲惟碧峯之而押擣弄光怪
李老子兮黃石翁根不土胎性不屈盤盤埽塹涌蔥鬱
譬如商顏肥遯流老而益腴卷綠髮春風秋月田盤山

鶴鳴鹿旅太古閒大椿扶桑此其侶大夫受號嗟赧顏
東坡偃松斯鼻祖成形疑自元黃剖今日應作如是觀
公孫大娘劍器舞

翠市亭六絕句

傑池列林扉扣湔鳴石激是宜引思紛而益令神寂
笠亭纔四柱萬概參於前小坐衣袂冷仙風下綠天
陡壁不可登吾意與之上白雲阿那邊佺喬期來往
嵐靄無定態松石乃益奇箇當忘言詮誥誥復奚為

土斷石壁立磊磊堆堞橫問從誰假借柳州小石城
山莊駐五日林亭登一度卜築亦何為自問不解故

山莊西崦人家

茆屋高低外植援田收餘粒育雞豚惟勤耕績終年計
不解詩書涉世論束帛蒲輪羞隱逸瓦盆柿酒長兒孫
經過每為輕輿駐質樸風猶太古存

千尺雪再成

前朝含凍雪猶白今日舒絲柳漸青了識如斯在川上

流陰未肯為人停

訇渚流離瀉復渟聲難為狀色難形三間板閣虛窓靜
只合忘言注水經

熱河西苑及東吳到處風華具四圖試問得無紛色相
宦光應道豈妨乎

再疊前韻題唐寅品茶圖

非關陸羽癖分茶偶試原欣沃道芽瓷碗筠爐值茲暇
田盤春色正和嘉

題董其昌婉孌草堂圖

草堂本自寫崑山真蹟誰教落此間名相由來無定著
婉孌恰喜一般閒仲醇元宰交情厚李氏郭家設色艱
我獨曹風憶彼美楚騷一例詠藂管

命蔣溥汪由敷董邦達修盤山新誌即令入山遊
訪既畢事詩以示之

親切名山全體圖舊乘檢校正乖誣名賢勝蹟思傳誌
其不傳能誌取無

石林精舍

春松翠欲飜
古石飛疑墜
允宜風月佳
未許桃李劬
案讀典墳義
皇興企思

雲淨寺

尋春喜晴和入山
窮窈窕陽巘已綠
縹陰雪猶白
晶雲淨佛所都
青蓮色相表盈
盈功德泉身心一
以澡載登皮經閣
萬慮澄三藐迴望
向來途深雲不可
討

東竺庵見杏花始開

日日盼花開
花開乃在此
不藉女夷權
應是天龍喜
三庵谷向陽
條風挾昌蕊
爛湯亦底須
瀟灑真佳矣
佛咲物皆春
當前悟妙旨

少林寺

精藍盤谷口
縱望納徐無
萬里太行麓
千年雙檜株

寺中

雙檜最古
蓋千年物也

稍停參淨業
隨意作清娛
得句還前進
名

山寧可孤

古中盤

盤之中造盤之阻綠嶠荒隱青蓮宇到來精舍據其巔
春靄山雲互吞吐老僧面比瘦石枯南宗棒喝全茫乎
住山却是本來相何用誦誦辯有無松籟澗琴皆淨致
一牕延得千峰翠巖花放不入時妍由來物各從其類
仙風謖謖吹我裳便尋歸逕我馬黃乘興應留興不盡
偶遊亦厯遊毋荒

冷然閣

巖樓倚半空月宇納天風攬景真無盡會心迥不同石

泉銀瀉峽蕙草綠抽叢壺裏年常靜人間春漸融

雨花室

三春臨靜寄五日作清娛每到吟將遍茲來興復殊交
窗嵐影翠入座栢陰孤試問維摩詰斯還著也無

盤山啟蹕之作

言旋清蹕別仙莊五日春遊毋乃長知爾何須亟來往
於斯未可久徜徉迴瞻雲罩中天直取近西盤十里強
詩緒紛投吟不盡名山二酉暫教藏

題方鈞袖珍山水卷

烟林野艇

綠樹蔚溪烟人家隱烟樹野艇載羊裘沿溪自來去

柳墅蓮香

玉露下銀塘芙蓉自在香粉本定誰取依稀萬柳堂

晴蹊粉籜

琅實堪飼鳳烟梢欲舞龍忽似春叢裏韜光之所逢

江村晚照

秋谷幾村靜夕陽千樹披入江
翻石壁杜老句真奇

古木幽篁

幽篁既瀟灑古木亦振奇恰似嵇與阮相逢把臂時

松巖飛瀑

寒濤及雪練映帶翠屏裏適自田盤來所見多相似

旋蹕詣

暢春園問


安

行春迤邐返蘭輿先詣仙園問

起居敬悉

高年福履壺

萱階爵躍喜何如



御製詩二集卷四十六